



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De|| EXTREMA VNCTIO-||NE, ORDINE, ET MATRI-||MONIO.|| SINGVLIS LIBRIS
EX-||PLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XXIII. De cultus disparitate.

[urn:nbn:de:hbz:466:1-54104](https://nbn-resolving.de/urn/resolver.pl?urn=urn:nbn:de:hbz:466:1-54104)

machinata: proinde ex parte eius non fuit impedimentum, quo minus coniugium cum Davide contrahere posset. David autem adulterio, homicidium Vriæ adiunxit, sed non est certum an eo animo, ut vxore eius potiretur: nam antea sæpe conatus erat inducere Vriam, ut ad vxorem rediret, ut eo modo adulterium tegeretur.

CAPVT XXIII.

De Cultus disparitate.

ALTERVM impedimentum est Cultus disparitas. Catholici enim communi consensu docent, Matrimonia fidelium cum infidelibus non baptizatis, non solum esse illicita, sed etiam irrita: cum hæreticis autem baptizatis illicita esse, non tamen irrita.

Lutherus autem in libro de captiuitate Babyl. cap. de Matrimonio, hoc impedimentum non admittit, nec tamen aliud argumentum adfert, nisi quia Deus hæc Matrimonia Christianis prohibuisse non legitur; & quia B. Monica S. Augustini mater virum habuit infidelem. Idem etiam repetit, cum in serm. de Matrimonio, tunc in expositione 7. cap. 1. ad Corin. Philippus etiam Melanchthon in locis, tit. de coniugio, licet fateatur bono animo ab Ecclesia hæc Matrimonia fuisse prohibita: vellet tamen non adeò rigidè hæc obseruati, ut Catholici postulant.

Sit igitur propositio PRIMA: Non licet fidelibus cum infidelibus, aut etiam hæreticis Matrimonia iungere. Probatur PRIMO ex verbo Dei, Deut. 7. Deus prohibuit populo suo Matrimonia iungere cum Gentilibus. Et quamvis præceptum illud sit iudiciale, & solos Iudeos propriè obligauerit, tamen habet aliquid etiam moralis, & ad omnes pertinet, si caussa inspiciatur: nam caussam reddit planè moralem, quæ etiam nunc locum habet: *Quia seduces, inquit, filium tuum ne sequatur me, et ut magis seruiat Diu alienum.* & 3. Reg. 11. ubi idem præceptum repetitur, addit Deus: *Certiissime auerterent corda vestra ut sequamini Deos alienos.* & ibidem additur, Salomonem contra hoc præceptum egisse, & illi continuo accidisse, quod Deus prædixerat: depravatus enim per vxori.

230 Cap. XXXIII. De Matrim. Sacram. Lib. I.

res illas Ethnicas, adorauit earum idola. Et sanè si vir sapiens
tissimus, & qui multas alias uxores habebat, per noua illa
coniugia cum Gentilibus ita peruersti potuit, ut singularum
Deos coleret: quantum periculum iis imminet; qui vnam
tantum eamque ethnicam, vel hereticam ducunt, & qui nullo
modo sunt cum Salomone in prudentia, & sapientia com-
parandis?

Deinde verbum illud B. Pauli, 1. Corint. 7. Cui ualibus
bat, tantum in Domino; præceptum esse de Matrimonio non
iungendo, nisi cum fidelibus, docent interpres huius loci
fere omnes, ut Ambrosius, Theodoreus, Theophylactus,
Anselmus, Sedulius, S. Thomas, Caetanus, & alij: & prae-
cea Tertul in lib. 2. ad uxorem, & Hieronymus lib. I. ad ueni-
touianum.

Denique AVGVSTINVS lib. I. de adulterinis coniugis
cap. 25 hanc expositionem admittit, licet etiam alter exponat
posse dicat, sic enim ait, illud: IN DOMINO, duobus modis
potest intelligi, aut Christiano nubens, aut Christiana permis-
nens. Sed posterior expositio non videtur ita probabilius
prior: non enim dubium esse poterat, quin illicitum esset, ab
bendo apostatare à fide; immò id tam perspicuum, & nota
est omnibus, ut planè superuacaneū videatur de eare Chi-
stianos monere.

Es tamen etiam alijs locis, 2. Cor. 6 Nolite iugum ducere cum
infidelibus, quem S. Hieronymus, cùm in lib. I. in loutini-
num, tum in epist. ad Gerontiam de Monogamia, exponit
de coniugio cum infidelibus non iungendo. Neque huic
expositioni repugnant Theophylactus, & alij, qui generatis
exponunt de commercio vitando cum infidelibus: si enim
commercium cum infidelibus interdicitur, certè coniugium,
quod est commercium omium maximum, & periculosis-
simum interdicitur.

Secundo probatur ex Conciliis. Exstat can. 12. Concilii
generalis Chalcedonensis, vbi prohibentur coniugia cum
Hereticis, Iudeis, & Paganis. Exstat item Concilij AGATHEN-
SIS, can. 67. vbi habentur hæc verba: Non oportet cum homi-
nibus hereticis miscere coniugia, & vel filios, vel filias illa-
dere. Concilium item Toletanum III. can. 14. prohibet, ne
Iudei uxorem Christianam habeant. & Toletanum IV. can.

61. iubet Hebreos cum Christianis Matrimonio coniungtos, aut Christianos fieri, aut ab uxoribus separari. Exstat etiam in iure ciuili C. de Iudæis, l. ne quis Christianam. lex Valentiniani & Theodosij, quæ ut adulteria, punit coniugia Iudeorum cum Christianis: & in Codice Theodosiano, l. 3. tit. 14. similiter puniuntur Matrimonia Romanorum cum Gentilibus.

TERTIO probatur ex Patribus. TERTVL. in 2. l. ad uxorem, longa disputatione hoc agit, non oportere Christianos, vel Christianas cum infidelibus contrahere Matrimonia. S. CYPRIANVS in serm de lapsis, interalia crimina fidelium numerat, iungere cum infidelibus Matrimonia: idque esse dicit, prostituere Gentilibus membra Christi. S. AMEROSIVS lib. I. de Abraham, c. 9. Caue Christiane, inquit, Gentili: aut Iudeo filiam tuam tradere; Caue Gentilem, aut Iudeam, atque alienigenam, hoc est, hereticam, & omnem alienam à fide tua, uxorem accersas tibi. & in epist. 70. que est prima, lib. 9. ad Vigilium, instituit nouum Episcopum, ut plebem suam doceat suminoperè cauere Matrimonia cum infidelibus. S. HIERONYM. in lib. aduersus Iouianum: At nunc plerisque, inquit, contemnentes Apostoli iussionem, iunguntur Gentilibus, & templo Christi idolis prostituantur.

S. AVGVS T. videtur in hac re dubius haesisse. Nam in lib. I. ad Pollentium, cap. 21. refert sententiam Pollentij, quod in vitroque Testamento prohibitum sit, Matrimonium fidelibus cum infidelibus iungere: quæ verba Magister in lib. 4. sent. dist 39. tanquam ex Augustini sententia refert, cum reuera ex Pollentij, non ex Augustini sententia accipienda sint. Deinde, cap. 25. ex sententia sua loquens, tantum dicit non inueniri testimonium in Testamento novo, in quo sine ambiguitate eiusmodi coniugia prohibeantur, quamvis fateatur Cyprianum nihil dubitasse, quin illicita essent ea coniugia. In libro vero de fide & operibus, cap. 19 iterum repetit; in Scripturis noui Testamenti le non reperisse de hac re certum testimonium, tametsi Cyprianus inter grauissima crimina posuerit, cum infidelibus iungere Matrimonia. Sed tandem concludit, omnino cauendas esse eiusmodi coniunctiones, quia expedit in re dubia tutiorem partem sequi: Omnimodo, inquit, conandum est, ne fiant tales coniunctiones: quid

PP. + enim

*enim obus est in tantum discrimin ambiguitatu caput mis
tere?*

Itaque ex Augustino habemus, ut minimū ista Matrimo
nia esse dubia, & proinde non contrahenda. Nec tamen si Au
gustino dubitare licuit, nobis quoque licebit, cūm nos Paul
sententiam habeamus à plurimis interpretibus explicatam,
multa etiam testimonia Conciliorum, & Patrum, quippe
non viderat: & denique omnium Theologorum, qui post
Magistrum scripsierunt, atque adeò totius Ecclesiaz consensum
tepeamus.

QUARTO probatur ratione. Matrimonium fidelis cum
infideli multa secum adfert incommoda, atque damna; non
igitur licitum censeridebet. Antecedens probatur. Nam in
PRIMIS periculum, & quidem grauissimum adfert infidelis
poststatandia vera fide: *Et qui amat periculum, peribit in illo.*
Ecclesiast. 3. **D**E **I**NDE, proles non poterit commodè educari
in vera religione. **A**D **H**AEC vix poterit in domo pax, & tem
quillitas illa inueniri, quæ ad coniugium requiritur, siquidem
dissensio circa religionem, contentiones, & iurgia, ordinum etiam,
& alienationem animorum gignit. **D**E **N**IQ^UIA
vt Tertullianus copiosè demonstrat, si maritus sit infidelis
facile impediet omnia exercitia pietatis, quæ alioqui vix
Christianæ exhibere tenetur.

SECUND A propositione: *Matrimonium inter fidelem, &
infidelem non est irritum iure diuino, naturali, vel possum
vel certa aliqua lege Ecclesiæ.* Quod non iure diuino, proba
ri existimat **D**ominicus à **S**oto (ut ipse loquitur in 4. dist. 13.
q. vnica art. 2.) euidenter ex eo, quod dicitur 1. Cor. 7. Paulus per
mittit fidelem non separari a coniuge infideli. Si enim iure
diuino Matrimonium fidelis cum infideli irritum esset, quo
modo B. Paulus permitteret, in tali coniunctione, quæ for
nicaria sine dubio esset, Christianos permanere?

AT ista ratio non solum non euidentur, sed nec solida est
videtur. Apostolus enim non permittit fidelem cum infide
li contrahere, sed Matrimonium cum infideli contractum
permittit non dirimi per conuersationem alterius coniugis.
Non est autem consequens, ut si Cultus disparitas non di
rimat Matrimonium iure diuino antea contractum: nos
dirimat etiam post contractum. Nam impedimenta dirim
tia hoc

ta hoc proprium habent, ut dirimant si ipsa præcedant, non dirimant, si sequantur. Impotentia enim coeundi, & votum solenne continentiae, & alia id genus, si præcedant Matrimonium, illud ita impediunt, ut irritum reddant, si haec at si superueniant post Matrimonium legitimè contractum, illud dirimere nequaquam possunt. Sicut etiam hoc tempore Cultus disparitas, saltem iure Ecclesiastico, dirimit Matrimonium post contractum: & tamen si superueniat post Matrimonium legitimè contractum, ut si alter coniugum fidelium fiat paganus, vel si alter infidelium conuertatur, non dirimitur coniugium, etiam iure Ecclesiastico, saltem ipso facto.

Illa igitur ratione omissa, quod non sit Cultus disparitas impedimentum dirimens iure naturali, probatur PRIMO, quia non tollit omnino finem Matrimonij, licet aliquo modo impeditat. Nam ex tali coniugio proles nasci potest, & inservi etiam in religione, licet difficilis, &c. & aliquando accidere potest, ut non etiam impediatur vlo modo educatio, neq; pax, vt si alter coniugum de religione nihil curat, aut bene sit affectus erga fidem. Quo casu, non modò non erit impedimentum aut periculum ullum coniugi fidelis, sed etiam erit magna spes trahendi alterum ad fidem: tunc autem (si non obstat ius positivum) ratio dictat coniugium eiadmodum non esse malum, sed bonum.

SECVNDO probatur exemplis Sanctorum, qui sine dubio infidelibus coniuncti non fuissent, si id Matrimonium iure naturæ irritum esset. Exstant autem exempla in lege naturæ, in lege scripta, & in lege gratiæ. In lege naturæ, Iacob uxores duxit filias Laban Idololatræ; Ioseph filiam Phutiphatis Ægyptiam; Moses filiam Ietro Æthiopissam. In lege scripta Ester nupsit Assuero Regi Persarum Ethnico; & Salem onus duxit filiam Pharaonis, & David accepit filiam Regis Gessur, 2. Reg. 3. In lege gratiæ testantur Hieronymus, lib. 1 in Iouinianum, & Augustinus lib. de fide, & operibus, cap. 19 suo tempore fuisse frequentissima in Ecclesia eiusmodi coniugia: & quamuis à Patribus reprehendebantur, tamen non dirimebantur, nec est probable fuisse tolerata, si vera Matrimonia non fuissent.

PRAETEREA, S. Monica virum habuit paganum, telle Augustino, lib. 9. Confess. cap. 9. & Clotildis Christiana misit Clodoueo Regi Francorum Ethnico, teste Gregorio Turonico, lib. 2, hist. cap. 28. Vtraq; autem pia erat, & virum ad fidem conuertit: non potest autem fieri ut pie fœminæ essent, & in perpetua fornicatione viuerent.

Quod non sit etiam impedimentum dirimens iure diuina positiuo, probatur: nam in Testamento nouo non exstat tale præceptum. Verba enim Pauli: *Tantum in Domino. Eu Nolite iugum ducere cum infidelibus,* non probant, nisi non esse contrahendum cum infidelibus: non autem probant, Matrimonium esse irritum.

In Testamento autem veteri non inuenitur præceptum ita prohibens coniugia cum infidelibus, vt ea redderentur irrita, nisi apud Esdram, lib. 1. cap. 9. & 10. Ibi enim legimus, Eldra interpretante legem Domini in Deuteronomio 1 Moysè latam, separatos fuisse filios Israël à coniugib⁹ infidelibus, quas duxerant. Sed illud præceptum, quatenus legitans Matrimonia, iudiciale fuit, non naturale, & id è causa fuit cum ceteris, neque ad Christianos pertinet. Fuisse iudiciale, ex eo colligitur, quod solūm prohibuerit coniugia Iudeorum cum infidelibus habitantibus in terra Chanaam, quos Deus omnino interfici, & deleri volebat: non autem cum infidelibus ceteris. Vnde Ester legitimè nupsit Asuero Gentili, & Salomon accepit in uxorem filiam Pharaonis. NEQUE obstat, quod lib. 1. Esdræ, c. 9. inter Genesim, quarum connubia Iudeis erant prohibita, numerantur Aegypti: loquitur enim Esdras de Aegyptiis, qui habitabant in terra Chanaam, non de aliis, vt Caietanus annotauit.

Iam verò quod non sit Cultus disparitas impedimentum dirimens, ob certam aliquam legem Ecclesiæ, probatur, quia nulla exstat talis lex. Quæ enim nos suprà citauimus ex Conciliis, non probant Matrimonium esse irritum, si fiat inter fidelem, & infidelem, sed tantum non esse faciem. Nam Concilium Chalcedonense, & Agathense inter infideles nominatim ponunt etiam hæreticos, & tandem communī consensu Catholicorum, Matrimonium cum hæretico non est irritum. Consilium autem Toleranum IV. iuber quidem separari coniuges, sed non loquitur nisi delu-

deis, & in Hispania: neque enim Concilium illud uniuersale, sed nationalc fuit, quare legem toti Ecclesiarum dare non potuit.

TERTIA propositio: *Matrimonium inter fidelem, & infidelem non baptizatum, irritum est ex more populi Christiani vim legis obtinente.* Probatur; nam ab annis, ut minimis CD, sine villa contiouersia creditur est in Ecclesia Christiana, ista Matrimonia esse nulla. Nam & Magister sententiarum in libro 4 dist. 39. & Gratianus, 28 quæst. 1. & deinceps omnes Theologi, & Canonistarum tanquam rem exploratam, & à maiorib. acceptam hoc tradiderunt. Cùm igitur tota Ecclesia à multis iam seculis crediderit, & feruauerit. & tamen certa aliqua lex non inueniatur, necesse est, ut id paulatim sit introductum, & consuetudo vim legis obtinuerit.

Non posse autem hunc morem, siue hanc legem impo-
bari, duobus argumentis demonstrari potest. **P R I M O**, ex-
emplo legis veteris. Si enim in lege veteri Cultus disparitas
erat impedimentum dirimens saltem intra certas nationes,
tene maiori ratione potuit fieri Cultus disparitas impedimentum dirimens apud Christianos: nam lex Christiana
perfectior est. **E T P R A E T E R E A** maior est Cultus disparitas
inter Christianos, & infideles; quam inter Iudeos, & infide-
les. Nam Christiana lex omnibus est ad salutem necessaria;
& qui Christiani non sunt, alieni sunt à Deo, & ab Ecclesia,
ac religione diuina. At lex Hebreorum non erat omnibus
necessaria, multiq[ue] inter Gentes saluari poterant, dum lex
vigeret: quare non erant Gentiles extra Ecclesiam Dei
per hoc solum, quod ad populum Israel non pertine-
bant.

S E C U N D O, Matrimonium apud Christianos Sacra-
mentum est, ergo non debet à Christianis, illis personis tribui,
qui sacramenta suscipere nequeunt. Ergo maxima fuit
causa irritandi Matrimonia fidelium cum infidelibus: non
enim infidelis non baptizatus ullius Sacramenti capax est.
Ethæc etiam ratio est, cur Matrimonia cum haereticis irri-
tata non sint, quia videlicet sacramenta esse possunt ratione
precedentis Baptismi in ytroque coniuge.

QVARTA

QVARTA propositio: *Potest summus Pontifex, si auctoritate postulet, cum fidei dispensare, ut cum infidelis Matrimonium contrahat.* Hæc propositio ex superioribus sequitur. Si enim agatur de præcepto irritante eiusmodi Matrimonii dubium non est, quin in eo summus Pontifex dispensare possit, cùm id præceptum non sit naturale, nec diuinum possum, sed plenè Ecclesiasticum.

Si vero agatur de præcepto simpliciter prohibente, de quo diximus in prima propositione, id præceptum vel est positivum, vel naturale. Si est naturale, non obligat nisi quatenus recta ratio dictat id non esse faciendum, vel ob periculum subuersionis, vel ob alias caussas. Quare cessantibus illis caussis, non est contra ius naturæ eiusmodi coniugium, præsertim accedente declaratione summi Pastoris: videlicetiam Ester, (ut suprà diximus) & Ioseph, Iacob, Moyse, & alij viri sancti cum infidelibus Matrimonio iuncti sunt, quia cessabat ratio periculi, &c. Si vero est præceptum positivum humanum, ut Apostoli Pauli, & Conciliorum, ac Pontificum; potest sine dubio Apostolorum, & Pontificum aliorum successor in eo dispensare, cessante periculo, & iusta causa id postulante. Præceptum autem positivum diuinum, nullum est, ut suprà ostendimus: illud enim Deuter. 7. quatenus Positivum, iam est abrogatum; quatenus autem aliquo modo naturale erat, non obligat, ut diximus, nisi quando ratio recta iudicat inesse periculum illud, ob quod præceptum datum est.

Atque hinc soluuntur omnia argumenta, quæ sunt ab hereticis, vel etiam fieri possunt: nihil enim adferre possunt, neque adferunt, nisi exempla eorum fidelium, qui vel in lege antiqua, vel in lege noua, Matrimonia cum infidelibus contraxerunt.

Ad quæ uno ex quatuor modis respondendum est. VEL enim exempla ad eos pertinent, quibus nulla lege particulari, sed solum lege naturæ secundum rectam rationem in certis casibus talia Matrimonia prohibebantur, & tales fuerunt Iacob, Ioseph, Ester, &c. VEL ad eos, qui uxores Gentiles quidem, sed quæ ad fidem conuerterebantur, duxerunt: ille enim semper fuit licitum. Et hoc modo Salomon duxit Rabbi meretricem ex Palestina, & Booz Ruth Moabitidem, illa



illæ siquidem ad fidem, & religionem Iudaicam accesserunt, licet alioqui essent ex Gentibus, cum quibus non licebat Iudeis contrahere Matrimonia. VEL ad eos, qui aperte reprehenduntur, quod contra legem cum Gentibus coniugia celebauerint. Et in his fuit Salomon, qui 3. Regum 11. valde arguitur à diuina Scriptura, quod uxores Moabitidas, Ammonitidas, & Chananitidas contra legem duxerit: in his etiam numerandi sunt Christiani, qui propterea grauiter à sanctis Patribus reprehenduntur, ut ex Cypriano, Ambro-
sio, & Hieronymo supra demonstrauimus. VEL deniq; ad eos, quos ignorantia, & introducta consuetudo fortasse excusat. Et in hoc numero ponenda videtur sancta Monica mater beati Augustini: nam eius tempore ita inualuerat consuetudo, ut peccatum non putaretur cum Gentilibus iungere Matrimonia, ut Augustinus testatur lib. de fide, & operibus, cap. 19.

Itaque sancta Monica, cuius exemplum hæretici tanti faciunt, ignorantia, & more patriæ à peccato fortasse excusabatur; vel certè pœnitentia, & lachrymis illud purgavit: neque debuit Matrimonium semel contractum dirimere, quia nondum mos populi fidelis Cultus disparitatem inter impedimenta dirimentia reposuerat, ut postea fecit.

CAPUT XXIV.

De impedimento Cognitionis: quid sit cognatio, & quot eius gradus.

RESTA T impedimentum Cognitionis, de quo grauissima controversia est: quæ ut ordine explicari possit; PRIMO exponendum erit, quid sit cognatio, & qui, & quot eius gradus; SECUNDO, quid de hac re hæretici sentiant. TERTIO, probanda erit veritas, & soluenda argumenta ipsorum.

Vt igitur à PRIMO incipiamus, Iureconsulti distinguunt inter cognitionem, & agnationem. Cognatos enim vocant, qui ex eodem sanguine per matrem descendunt, agnatos, qui per patrem; tamen si cognatos etiam interdum omnes con-